

বাংলাদেশ ব্যাংক
প্রধান কার্যালয়
ইইএফ ইউনিট

ইইএফ সার্কুলার নং-৩১

তারিখঃ ২২/০৪/২০১০

ব্যবস্থাপনা পরিচালক/প্রধান নির্বাহী কর্মকর্তা
সকল তফসিলী ব্যাংক
ও
সকল আর্থিক প্রতিষ্ঠান

প্রিয় মহোদয়,

**একুইটি এন্ড অস্ট্রোপ্র্যানারশীপ ফান্ড (ইইএফ) - মঞ্জুরীকৃত প্রকল্পের অনুকূলে
ব্যাংক/আর্থিক প্রতিষ্ঠান হতে চলতি মূলধন ঋণ গ্রহণের ক্ষেত্রে অনাপত্তি প্রদান প্রসঙ্গে।**

কৃষিভিত্তিক ও খাদ্য প্রক্রিয়াজাতকরণ খাত এবং ইনফরমেশন টেকনোলজী (আইটি) খাতের যেসব প্রকল্পে ইইএফ সহায়তা মঞ্জুর করা হয়ে থাকে সেসব প্রকল্পের মোট প্রকল্প ব্যয়ের মধ্যে প্রকল্পের উৎপাদন/বাণিজ্যিক কার্যক্রম পরিচালনার জন্য নীট চলতি মূলধন বাবদ ব্যয় অন্তর্ভুক্ত থাকে।

সাম্প্রতিক সময়ে দেখা গেছে যে, কোন কোন প্রকল্পের উদ্যোক্তাগণ ইইএফ সহায়তা বাবদ বরাদ্দকৃত অর্থ সম্পূর্ণ গ্রহণের পর ব্যাংক/আর্থিক প্রতিষ্ঠান হতে আরো চলতি মূলধন ঋণ গ্রহণের অনাপত্তি প্রদানের জন্য আবেদন করছেন। উদ্যোক্তাগণের এরূপ আবেদনের বিষয়ে বিস্তারিত পর্যালোচনান্তে উপযুক্ত কর্তৃপক্ষ কর্তৃক এক্ষণে নিম্নরূপ সিদ্ধান্ত গৃহীত হয়েছে :

ইইএফ সহায়তাপ্রাপ্ত কোন প্রকল্পে ইইএফ সহায়তার সম্পূর্ণ অর্থ বিনিয়োগের পর বাস্তবতার নিরীখে চলতি মূলধন ঋণ গ্রহণ অত্যাবশ্যক বিবেচিত হলে প্রকল্পের উদ্যোক্তাগণকে প্রকল্প মূল্যায়নকারী সংশ্লিষ্ট ব্যাংক/আর্থিক প্রতিষ্ঠানের মাধ্যমে চলতি মূলধন ঋণ গ্রহণের অনাপত্তির জন্য ইনভেস্টমেন্ট কর্পোরেশন অব বাংলাদেশ (আইসিবি) এর ইইএফ ডিভিশনে আবেদন করতে হবে। আইসিবি এ জাতীয় আবেদনসমূহ প্রকল্পের মেরিট (Merit) অনুযায়ী পরীক্ষা-নিরীক্ষা/পরিদর্শনপূর্বক অনাপত্তি প্রদান করা হবে কিনা সে বিষয়ে সিদ্ধান্ত প্রদান করবে। এরূপ ঋণ গ্রহণের ক্ষেত্রে প্রকল্পভুক্ত কোন সম্পদ (ভূমি/দালানকেঠা/যন্ত্রপাতি ইত্যাদি) এবং ইইএফ সহায়তার বিপরীতে কোম্পানী কর্তৃক সরকারের নামে ইস্যুকৃত শেয়ার ঋণ প্রদানকারী ব্যাংক/আর্থিক প্রতিষ্ঠানের অনুকূলে বন্ধক রাখা যাবে না বা অন্য কোন ভাবে দায়যুক্ত করা যাবে না। তবে এক্ষেত্রে আইসিবির অনাপত্তি সাপেক্ষে উদ্যোক্তাগণ তাদের নিজস্ব কোন সম্পদ/ইইএফ সহায়তাপ্রাপ্ত প্রকল্পে তাঁদের কর্তৃক ধারণকৃত শেয়ার বন্ধক প্রদানের বিপরীতে প্রকল্পের জন্য চলতি মূলধন ঋণ গ্রহণ করতে পারবেন।

এ যাবৎ জারীকৃত ইইএফ সার্কুলারে বর্ণিত অন্যান্য সকল শর্তাবলী অপরিবর্তিত থাকবে।

এই নির্দেশ অবিলম্বে কার্যকর হবে।

অনুগ্রহপূর্বক প্রাপ্তিস্বীকার করবেন এবং সংশ্লিষ্ট সকল পক্ষকে বিষয়টি অবহিত করবেন।

আপনাদের বিশ্বস্ত,

(মোঃ সিরাজুল ইসলাম)
উপ-মহাব্যবস্থাপক
ফোনঃ ৭১৬৩৬৫০